

Футбол бўйича 20 ёшгача бўлган қизлар ўртасидаги 2012 йилги жаҳон чемпионати Ўзбекистонда ўтади. Бу хусусида Халқаро футбол ассоциациялари федерацияси — ФИФА ижроия қўмитасининг навбатдаги ййғилишида эълон қилинди. — Ўзбекистонда спортнинг бошқа турлари қатори аёллар футболни ҳам жадал ривожланиб бормоқда ва биз бугун ушбу мамлакатга жаҳон чемпионати мезбонлигини топширганимиздан бахтиёримиз, — деди ФИФА президенти Йозеф Блаттер ижрокўм ййғилишида.

ЎЗБЕКИСТОН — ЖАҲОН ЧЕМПИОНАТИ МЕЗБОНИ



Бундай нуфузли мусобақани ташкил этишга ишонч билдирилгани бежиз эмас, албатта. Бу мамлакатимизда Президентимиз раҳнаомлигида "миллионлар ўйини" — футболни қўллаб-қувватлаш ва ривожлантиришга қаратилаётган юксак даражадаги эътиборнинг халқаро миқёсдаги яна бир эътирофидир.

Ўтган вақт мобайнида жаҳон ва қитъа чемпионатлари, халқаро мусобақаларда Ўзбекистон шарафини муносиб ҳимоя қилишга қодир бўлган маҳоратли футболчилар тайёрлаш, шунингдек, юртимиз футболнинг оммавийлик даражасини

ошириш мақсадида қатор ҳуқуқий ҳужжатлар қабул қилинди. Хусусан, давлатимиз раҳбарининг 2006 йил 1 майдаги "Ўзбекистонда футболни ривожлантиришга доир қўшимча чора-тадбирлар тўғрисида"ги қароридан сўнг мазкур йўналишдаги ишлар муҳим босқичга кўтарилди. Ушбу қарор ижросини таъминлаш мақсадида мамлакатимизда Ўзбекистон Футболни қўллаб-қувватлаш жамғармаси тузилган эди. Айтиш пайтда мазкур жамғарма томонидан болалар ва ўсмирлар футболни ривожлантириш, миллий чемпионатимизнинг нуфузи ҳамда мақомини

ошириш, энг қобилиятли ёш спортчиларни аниқлаш, улардан юқори малакали футболчилар тайёрлаш бўйича саъй-ҳаракатлар давом эттирилмоқда. Юртбошимизнинг спорт, жумладан, болалар спортни ривожига кўрсатаётган ғамхўрлиги шаҳар ва қишлоқларимизда қад ростлаётган замонавий спорт мажмуаларида ҳам ўз ифодасини топомоқда. Улардаги шароитлар ҳавас қилишга арзигулик даражада.

Президентимизнинг 2011 йил 19 январдаги "2011 — 2013 йил-

ларда республикада футболнинг моддий-техника базасини янада мустаҳкамлаш ва уни ривожлантиришга доир қўшимча чора-тадбирлар тўғрисида"ги қарори мамлакатимизда футболни оммалаштириш ва ёш спортчиларни тайёрлаш борасидаги эзгу ишларни янги поғонага кўтаришга хизмат қилиши, табиий.

Футбол

Қарорда юртимизда янги стадионлар барпо этиш, мавжудларини реконструкция қилиш, болалар ва ўсмирлар футбол мактабларини спорт жиҳозлари билан таъминлаш, малакали мураббийлар ҳамда ҳакамлар тайёрлаш ишларини янада кучайтириш бўйича муҳим вазифалар белгилаб берилган. Хусусан, жорий йилда пойтахтимиздаги "Бунёдкор", "Локомотив" стадионларида қурилиш-таъмирлаш ишлари якунланади. Самарқанддаги "Динамо" стадиони реконструкция қилинади. Қарши шаҳрида махсус футбол интернати фаолияти йўлга қўйилади. Шунингдек, Олмалик ва Бекобод каби шаҳарларда замонавий талабларга жавоб берадиган стадионларнинг барпо этилиши,

"Бухоро" (Бухоро), "Фарғона" (Фарғона), "Марказий" (Наманган) стадионларининг тубдан реконструкция қилиниши, "Навбахор", "Андижон" сингари жамоалар қошидаги болалар ва ўсмирлар футбол мактабларининг моддий-техника базаси мустаҳкамланиши, уларнинг энг замонавий футбол асбоб-анжомлари билан таъминланишига ҳам алоҳида эътибор қаратилган.

ФИФА раҳбарияти Ўзбекистонда амалга оширилаётган мана шундай кенг кўламли ислохотлар самарасига доимо юқори баҳо бериб келган. Бундан ташқари, Осиё футбол конфедерацияси ҳам ҳамisha ўзининг ижобий муносабатини билдирапти. Мавжуд шарт-шароитларни инobatга олиб, футбол, ўсмирлар ўртасидаги футбол бўйича Осиё чемпионатлари мезбонлиги учун икки мартадан айнан Ўзбекистон танлангани ҳам бунинг яққол тасдиғидир.

Айтиш жоизки, юртимизда хотин-қизлар ўртасида жисмоний тарбия ва спортни ривожлантиришга қаратилаётган алоҳида эътибор самарасида "миллионлар ўйини" қизларимиз ўртасида тобора оммалашмоқда. Ушбу спорт тури бўйича хотин-қизлар ўртасида мамлакатимиз чемпиони — Қаршининг "Севинч" жамоаси халқаро миқёсдаги мусобақаларда кўп мартаба шохсўпага кўтарилган. Мини-футбол бўйича Ўзбекистон хотин-қизлар терма жамоаси Ёпиқ иншоотлардаги Осиё ййинларида олтин ва бронза медалларига сазовор бўлган, қатор халқаро турнирларда голиб чиққан.

Демак, 20 ёшгача бўлган қизлар ўртасидаги 2012 йилги мундиални мамлакатимизда ўтказиш бўйича қабул қилинган қарор мустаҳкам асосга эга. Ушбу эзгу янгилик футболимиз маликалари учун ўзига хос байрам совғаси ҳам бўлди.

Зиёдулла ЖОНИБЕКОВ.
Шумурот ШАРАПОВ олган сурат.

«Асака» банки: КОЛЛЕЖ ЎҚУВЧИЛАРИГА ҚУЛАЙЛИК

Президентимиз 2010 йилда мамлакатимизни ижтимоий-иқтисодий ривожлантириш якунлари ва 2011 йилга мўлжалланган энг муҳим устувор йўналишларга бағишланган Вазирлар Маҳкамаси мажлисидаги маърузасида "Аҳоли бандлигини таъминлаш ва янги иш ўринларини ташкил қилиш муаммосини ҳал этиш 2011 йил ва яқин истиқболда мамлакатимизни муваффақиятли ва барқарор ривожлантиришнинг алоҳида устувор йўналиши ва ҳеч муболагасиз энг муҳим шартидир", деб таъкидлаб ўтди.



Айниқса, бу жараёнда ёшлар бандлигини таъминлашга алоҳида эътибор қаратилаётгани қувонарлиқдир. Хусусан, жорий йилда республикаимиздаги касб-хўнара коллежларини 450 мингдан зиёд ўқувчи тамомлайди. Шундан келиб чиқиб, уларни ўз мутахассисликлари бўйича ишга жойлаштириш масаласини ҳал этишга ҳозирдан оқиб киришди.

Бу борада "Асака" давлат-акциядорлик тижорат банки томонидан олиб борилаётган ишлар диққатга сазовордир. Жумладан, мазкур молия муассасаси ва Тошкент банк ҳисоб-кредит коллежи ўртасида ўқувчиларнинг "Устоз — шогирд" аънаъаси асосида ўқув ва ишлаб чиқариш амалиётларини ташкил этиш, битирувчиларни иш билан таъминлаш ҳамда ўқув жараёнига юқори малакали мутахассисларни жалб қилиш бўйича узоқ муддатли ҳамкорлик шартномаси тузилган. Бунга мувофиқ, ҳозир билим даргоҳида банк мутахассислари иштирокида илмий-амалий семинарлар, учрашувлар, давра сўхбатлари ўтказилмоқда.

Яқинда банк жамоаси яна бир хайрли ишга қўл урди. Молия муассасаси томонидан Тошкент банк ҳисоб-кредит коллежиде "Ўқув банки" ташкил этилди ва "Асака" банки томонидан замонавий ўқув анжомлари ҳамда компьютер техникалари билан жиҳозланди. Ҳозир

Таълим ва амалиёт

бу ерда коллежнинг юқори босқичида тахсил олаётган ёшлар банк иши йўналиши бўйича эгаллаган назарий билимларини амалиёт орқали янада мустаҳкамламоқдалар. Машғулотларни банкнинг малакали ва тахрибали мутахассислари олиб боришаётир.

— Бу янгилик жамоамиз, ўқувчиларимиз ва уларнинг ота-оналари томонидан зўр мамнуният билан қабул қилинди, — дейди коллеж директори Ботир Тўйинов. — Ҳозир билим даргоҳимизда 2042 нафар ўқувчи тахсил олмақда. Уларнинг ўзлари танлаган мутахассисликлар бўйича чуқур билим олишлари учун барча шарт-шароит

яратилган. 120 нафар педагогимизнинг ақсарияти фан докторлари ва номзодлари ҳамда олий тоифали ўқитувчилардан иборат эканлиги ўқув машғулотларининг янада самарали бўлишини таъминламоқда. Энди эса йигит-қизлар коллежда эгаллаган билимларини "Ўқув банки"даги машғулотларда яна бир қарра синовдан ўтказдилар.

Дарҳақиқат, бугунги кунда давлатимиз томонидан бўлажак ҳар бир битирувчининг иш жойини олдиндан белгилаш, уларнинг бўлғуси иш жойида амалиёт ўташини ташкил этишга алоҳида эътибор қаратилмоқда. Бу эса ёшларнинг эртанги кунга бўлган ишонч ва интилишларини янада мустаҳкамлашга хизмат қилаётди. Шу маънода, "Асака" давлат-акциядорлик тижорат банки томонидан ташкил этилган "Ўқув банки" ҳам банк иши йўналиши бўйича тахсил олаётган коллеж ўқувчиларининг истиқболда солохиятли кадрлар бўлиб камол топишига мустаҳкам замин яратиши, шубҳасиз.

Банк ахборот хизмати.



Халқ сўзи
Народное слово

МУАССИСЛАР:
Ўзбекистон Республикаси Олий Мажлиси
Конунчилик палатаси Кенгаши, Ўзбекистон Республикаси
Олий Мажлиси Сенати Кенгаши ва
Ўзбекистон Республикаси Вазирлар Маҳкамаси

Бош муҳаррир Ўткир РАҲМАТОВ

2008 йил 15 январда Ўзбекистон Матбуот ва ахборот агентлигида 0001-рақам билан рўйхатга олинган. Нашр индекси — 229. Буюртма Г — 303. 78776 нусхада босилди, ҳажми — 2 табоқ. Офсет усулида босилган. Қўғоз бичими А—2. Баҳоиси келишилган нархда.

ТЕЛЕФОНЛАР:
Девонхона 233-52-55;
Котибиат 233-10-28; Эълонлар 236-09-25.

Тахририятга келган кўлемлар тақрир қилинмайди ва муаллифга қайтарилмайди.
Реклама материаллари учун тахририят жавобгар эмас.

Газета тахририят компьютер марказида терилди ҳамда операторлар Ж. Тоғаев ва М. Бегмуратов томонидан саҳифаланди.

Тижорат материал

• МАНЗИЛИМИЗ:
100000, ГСП,
Тошкент шаҳри,
Матбуотчилар кўчаси, 32-уй.
Навбатчи котиб — Ю. Ҳамдлов.
Навбатчи муҳаррир — Ш. Ортиқов.
Навбатчи — С. Махсумов.
Мусаҳҳих — С. Исломов.

«Шарқ» нашриёт-матбаа акциядорлик компанияси босмаҳонаси. Корхона манзили: «Буюк Турон» кўчаси, 41. ЎЗА якуни — 21.50 Топширилди — 23.15 1 2 3 4 5

«Халқ сўзи»нинг навбатдаги сони 10 март, пайшанба кунини чиққди.